

Federacija BiH

Kanton Sarajevo

Skupština Kantona Sarajevo

n/p predsjedavajućem SKS, gosp. Sejo Bukva

n/p premijeru Kantona Sarajevo

INICIJATIVA

Tražim da se za narednu sjednicu skupštine uvrsti tačka dnevnog reda:

- informacija o poduzetim aktivnostima po pitanju slučaja trovanja djece u vrtićima KS

Vlada KS je dužna dostaviti cjelokupnu informaciju i prateću dokumentaciju svih uključenih institucija vezano za navedeni slučaj kao materijal za razmatranje

Obrazloženje

S obzirom da smo mjesecima bili svjedoci „žestokih“ senzacionalističkih izjava premijera Kantona Sarajevo kako će se pronaći krivac za trovanje i adekvatno kazniti, danas svjedočimo situaciji kako sam ja sama, a vjerovatno i kompletna javnost apsolutno ostala uskraćena o stvarnim istinitim činjenicama kada je u pitanju ovaj slučaj.

Ono sto danas imamo, na žalost, jeste činjenica kako postoji osnovana sumnja da je inspekcija pod određenim pritiskom izvršila finaliziranje svog izvještaja na vrlo sumnjiv način što baca ljagu na kredibilitet cijelog sistema kreirajući ambijent u kojem je slučaj trovanja djece potpuno nepotrebno ispolitiziran, ali izgleda s vrlo jasnim političkim ciljem obezbjeđenja još jedne prazne fotelje za kadroviranje. Danas istina imamo praznu fotelju, kao rezultat moralnog čina direktorice, ali očigledno da nemamo još krivca za ono što se desilo djeci, što implicira kako se cijeli slučaj može ponoviti.

Zahvaljujući moralnom činu direktorice, danas više nemamo otežavajuću okolnost za riješavanje ovog slučaja koja je bila opterećena njenom pozicijom odnosno stalnim medijskim pritiskom traženja ostavke ne čekajući apsolutno konačni izvještaj koji je imao za cilj da rasvjetli sve činjenice.

Stoga očekujem od svih zastupnika, da u interesu prije svega zdravlja djece, zaštite digniteta institucija kantona podrže ovu inicijativu pa da na bazi svih predočenih činjenica hladne glave utvrdimo šta se stvarno dogodilo, ko je odgovaran i šta su eventualne mjere koje bi spriječile ponavljanje nemilog slučaja. Imamo priliku da dokazemo kako jedna fotelja nije bila cilj postupaka koji su se odvijali, a to možemo samo ako nadjemo krivca za trovanje.

Sarajevo, 21.07.2015.

Segmedina Srna Bajramović

